

4-amaliy ish

Mavzu: O‘zbekiston Respublikasi Adliya Vazirligi huzuridagi Intellektual mulk agentligining asosiy vazifalari (“Who, What, When and Where” usuli)

Darsning maqsadi: O‘zbekiston Respublikasi Adliya Vazirligi huzuridagi Intellektual mulk agentligining asosiy vazifalari tushunchalar bo‘yicha ko‘nikmalarini shakllantirish.

Dars jihozlari: Kompyuter, ko‘rgazmali qurollar, Moodle masofaviy ta‘lim platformasi.

1. O'zbekiston Respublikasi Prezidentining PQ-4168 -sonli "Intellektual mulk sohasida davlat boshqaruvini takomillashtirish chora-tadbirlari to'g'risida" [qarori](#);

2. O'zbekiston Respublikasi Prezidentining PQ-4380 -sonli "O'zbekiston Respublikasi Adliya vazirligi huzuridagi Intellektual mulk agentligi faoliyatini tashkil etish chora-tadbirlari to'g'risida" [qarori](#);

3. O'zbekiston Respublikasi Vazirlar mahkamasining O'zbekiston Respublikasi Adliya vazirligi huzuridagi Intellektual mulk agentligi to'g'risidagi nizomni tasdiqlash to'g'risida"gi 609 -sonli [qarori](#);

Agentlikning asosiy vazifalari:

- intellektual mulk sohasida yagona davlat siyosatining amalga oshirilishini ta'minlash, ixtirolar, foydali modellar, sanoat namunalari, tovar belgilari va boshqa intellektual mulk ob'ektlarini huquqiy muhofaza qilish;
- intellektual mulk ob'ektlarining huquqiy muhofazasi holatini kompleks tahlil qilish, ushbu sohasini rivojlantirish bo'yicha aniq takliflarni ishlab chiqish;
- intellektual mulk sohasidagi huquqni qo'llash amaliyotini izchil va bir xilda ta'minlash bo'yicha chora-tadbirlarni amalga oshirish;
- intellektual mulk masalalari bo'yicha xalqaro-huquqiy hamkorlikni, shu jumladan intellektual mulk ob'ektlariga bo'lgan huquqlarni o'zaro muhofaza qilish haqidagi xalqaro shartnomalarni tuzish orqali yo'lga qo'yish va mustahkamlash;
- intellektual mulk sohasidagi ilmiy-tadqiqot va boshqa ishlarni o'tkazishda ishtirok etish;
- jamiyatda huquqiy madaniyatni yuksaltirish va intellektual mulkka nisbatan hurmat hissini shakllantirish.

To‘liq nomi — O‘zbekiston Respublikasi Adliya vazirligi huzuridagi Intellektual mulk agentligi, qisqartirilgan nomi — Intellektual mulk agentligi;

Agentlik o‘ziga yuklangan vazifalarga muvofiq quyidagi funksiyalarni amalga oshiradi:

1) intellektual mulk sohasida yagona davlat siyosatini amalga oshirishni ta'minlash, ixtirolar, foydali modellar, sanoat namunalari, tovar belgilari va boshqa intellektual mulk obyektlarini huquqiy himoya qilish sohasida:

intellektual mulk sohasida normativ-huquqiy hujjatlar loyihalari va takliflarini ishlab chiqadi hamda Adliya vazirligiga O'zbekiston Respublikasi Prezidenti Administratsiyasi hamda O'zbekiston Respublikasi Vazirlar Mahkamasi reglamentlarida belgilangan muddatlarda keyinchalik kelishish (viza qo'yilishi) uchun kiritadi;

ixtirolar, foydali modellar, sanoat namunalari, seleksiya yutuqlari, tovar belgilari, xizmat ko'rsatish belgilari, tovar kelib chiqqan joy nomlari, elektron hisoblash mashinalari (keyingi o'rinlarda EHM deb ataladi), ma'lumotlar bazalari va integral mikrosxemalar topologiyasi uchun muhofaza hujjatlarini berish yuzasidan talabnomalarni ko'rib chiqishga qabul qiladi;

ixtirolar, foydali modellar, sanoat namunalari, tovar belgilari, xizmat ko'rsatish belgilari, tovar kelib chiqqan joy nomlarini davlat ekspertizasidan o'tkazadi, talabnoma topshirilgan obyektlarning ustuvorligini belgilaydi, seleksiya yutuqlari, EHM uchun dasturlar, ma'lumotlar bazalari va integral mikrosxemalar topologiyalarining rasmiy ekspertizasini o'tkazadi;

ixtirolar, foydali modellar, sanoat namunalari davlat ro'yxatidan o'tkazishni, seleksiya yutuqlari, tovar belgilari, xizmat ko'rsatish belgilari, tovar kelib chiqqan joy nomlarini ro'yxatdan o'tkazishni, EHM uchun dasturlarni, ma'lumotlar bazalarini rasmiy ro'yxatdan o'tkazishni hamda integral mikrosxemalar topologiyalarini ro'yxatdan o'tkazishni amalga oshiradi, muhofaza hujjatlarini beradi, O'zbekiston Respublikasida hammaga ma'lum tovar belgilari Ro'yxati va tegishli reyestrlarini yuritadi;

ixtiro, foydali model, sanoat namunasi, tovar belgisi, xizmat ko'rsatish belgisi, tovar kelib chiqqan joy nomlari, EHM uchun dasturlar, ma'lumotlar bazalari va integral mikrosxemalar topologiyalariga topshirilgan talabnomalarning o'rnatilgan talablarga muvofiqligini tekshirish natijalari bo'yicha muhofaza hujjatlarini berish yoki berishni rad etish to'g'risida qaror qabul qiladi;

ko'rsatilgan seleksiya yutuqlarining patentga layoqatlilik shartlariga muvofiqligini belgilash natijalari bo'yicha O'zbekiston Respublikasi Qishloq xo'jaligi vazirligining Qishloq xo'jaligi ekinlari navlarini sinash markazi va O'zbekiston Respublikasi Vazirlar Mahkamasi huzuridagi Agrosanoat majmui ustidan nazorat qilish inspeksiyasi xulosalari asosida muhofaza hujjatlarini berish yoki berishni rad etish to'g'risida qaror qabul qiladi;

muhofaza va boshqa zarur hujjatlarning yagona shakllarini belgilaydi;

depozitariyda saqlanayotgan intellektual mulk obyektlarining ochiqqligi va ulardan erkin foydalanishni ta'minlovchi depozitariy funksiyasini bajaradi, shu

jumladan depozitariyga zarur bo'lgan nusxani depozitariy bilan shartnoma asosida olish uchun murojaat qilgan har qanday shaxsga imkoniyat yaratadi;

intellektual mulk obyektlaridan foydalanishga huquqlar berish to'g'risidagi litsenziya shartnomalarini, shuningdek ularni to'liq yoki qisman berish to'g'risidagi shartnomalarni ro'yxatdan o'tkazadi va tegishli reyestrlarni yuritadi;

intellektual mulkning rasmiy ro'yxatdan o'tkazilgan obyektlari to'g'risidagi ma'lumotlar bazasini shakllantiradi, ularning saqlanishi va foydalanilishi uchun shart-sharoitlarni ta'minlaydi;

Davlat patent fondini jamlash ishlarini tashkil etadi va amalga oshiradi, undan iqtisodiyotning real sektoridagi xo'jalik yurituvchi subyektlar, ilmiy tashkilotlar, olimlar va mutaxassislar tomonidan samarali foydalanish uchun uning saqlanishi va qulayligini ta'minlaydi;

Agentlikning byulletenlarini va boshqa rasmiy nashrlarini, shuningdek intellektual mulk obyektlarini huquqiy muhofaza va himoya qilish masalalari bo'yicha boshqa ma'lumotlar va materiallarni chop etishni tashkil qiladi hamda amalga oshiradi;

patent vakillarini attestatsiyadan va ro'yxatdan o'tkazadi, patent vakillarining davlat reyestrini yuritadi;

audiovizual asarlar, fonogrammalar va EHM uchun yaratilgan dasturlarni takrorlash va fonogrammalarni tayyorlashga litsenziyalar beradi, shuningdek litsenziatlar tomonidan litsenziya talab va shartlariga rioya etilishi yuzasidan nazoratni amalga oshiradi;

2) intellektual mulk obyektlarining huquqiy himoyasi holatini kompleks tahlil qilish, mazkur sohasini rivojlantirish bo'yicha aniq takliflar ishlab chiqish sohasida:

intellektual mulk sohasining rivojlanish holatini, jumladan, ushbu sohadagi xalqaro reytinglar va indekslar metodologiyasi va mezonlarini hisobga olgan holda har tomonlama tahlil qiladi va baholaydi;

intellektual mulk obyektlarini ishonchli huquqiy himoyasi va muhofazasi ta'minlanishiga, shuningdek, ushbu sohani rivojlantirishga salbiy ta'sir ko'rsatadigan tizimli muammolar va kamchiliklarni tahlil qiladi hamda natijasi bo'yicha ularni bartaraf etish yuzasidan takliflar tayyorlaydi;

intellektual mulk sohasining kelgusidagi rivoji va huquq egalarining qonuniy manfaatlarini ta'minlash bo'yicha takliflar tayyorlaydi;

intellektual mulk obyektlarining huquqiy muhofazasini takomillashtirish va samaradorligini oshirish bo'yicha tegishli davlat organlari va tashkilotlariga takliflarni tayyorlaydi va kiritadi;

zamonaviy tendensiyalar hisobga olingan holda qonunchilikni izchil rivojlantirishga, intellektual mulk sohasida umume'tirof etilgan xalqaro

standartlarni milliy qonunchilik va huquqni qo'llash amaliyotiga implementatsiya qilishga qaratilgan takliflarni ishlab chiqadi hamda belgilangan tartibda kiritadi;

intellektual mulk obyektlarining ishonchli huquqiy muhofazasi va himoyasini ta'minlash sohasida O'zbekiston Respublikasi qabul qilgan xalqaro majburiyatlar bajarilishining monitoringini o'tkazadi;

O'zbekiston Respublikasining xalqaro mavqeyini, jumladan, jahon hamjamiyatiga mamlakatda intellektual mulk sohasida amalga oshirilayotgan islohotlar to'g'risida xolisona axborot yetkazish orqali mustahkamlash, obzorli, ma'lumotnoma va boshqa materiallarni tayyorlash choralarini ko'radi;

3) intellektual mulk sohasidagi huquqni qo'llash amaliyotini izchil va bir xilda ta'minlash bo'yicha chora-tadbirlarni amalga oshirish borasida:

davlat organlari va tashkilotlari faoliyatida intellektual mulk sohasidagi normativ-huquqiy hujjatlarning tatbiq etilishi amaliyotini o'rganadi va tahlil qiladi;

huquqni qo'llash amaliyoti tahlili natijalari bo'yicha qonun hujjatlarini yanada takomillashtirish yuzasidan takliflarni tayyorlaydi va belgilangan tartibda kiritadi;

aniqlangan qonunbuzarliklar, ularning sodir etilishiga sabab bo'lgan shart-sharoitlarni bartaraf etish choralarini ko'rish uchun huquqni qo'llash amaliyoti bo'yicha umumlashtirilgan materiallarni davlat organlari va tashkilotlariga yuboradi;

intellektual mulk sohasidagi normativ-huquqiy hujjatlarni noto'g'ri va ziddiyatli qo'llash amaliyotini, shuningdek, ushbu sohada huquqbuzarliklar sodir etilishiga yordam beradigan salbiy omillar, sabablar va sharoitlarni bartaraf etishga doir amaliy choralar ko'radi;

normativ-huquqiy hujjatlarni qo'llash masalalari yuzasidan o'z xulosasini shakllantiradi va yetkazadi;

qonun hujjatlarini qo'llash amaliyotini umumlashtiradi hamda intellektual mulkni huquqiy muhofaza va himoya qilish sohasida davlat siyosatining amalga oshirilishi holatini tahlil qiladi, uning asosida huquqni qo'llash faoliyatini takomillashtirish choralarini ishlab chiqadi;

intellektual mulk sohasida huquqbuzarliklarni aniqlash va bartaraf etish bo'yicha huquqni muhofaza qiluvchi, soliq va boshqa davlat organlari bilan hamkorlik qiladi;

mualliflik huquqi va turdosh huquqlar to'g'risidagi qonun buzilishlari to'g'risida belgilangan tartibda xulosa beradi;

qonunchilikka muvofiq ravishda intellektual mulk obyektlarini huquqiy muhofaza qilish va ularga bo'lgan huquqlarni himoya etish masalalari bo'yicha jismoniy va yuridik shaxslarning murojaatlarini ko'rib chiqadi;

4) intellektual mulk masalalari bo'yicha xalqaro-huquqiy hamkorlikni o'rnatish va mustahkamlash sohasida:

intellektual mulk obyektlarining huquqiy muhofazasi sohasida xalqaro hamkorlik va o'zaro aloqalarni amalga oshiradi;

xalqaro shartnomalarni tuzish yuzasidan belgilangan tartibda takliflar kiritadi, intellektual mulk obyektlarining huquqiy muhofazasi va himoyasi bo'yicha O'zbekiston Respublikasining xalqaro shartnomalari loyihalarini tayyorlashda ishtirok etadi va O'zbekiston Respublikasi Vazirlar Mahkamasi topshirig'iga ko'ra ushbu shartnomalarni imzolaydi;

tegishli xalqaro, mintaqaviy va xorijiy tashkilotlar bilan muzokaralar olib boradi va intellektual mulk obyektlarining huquqiy muhofazasi va himoyasi sohasida belgilangan tartibda idoralararo shartnomalar tuzadi;

xorijiy patent idoralari, xalqaro, mintaqaviy va xorijiy tashkilotlar bilan patent hujjatlari va patent-huquqiy adabiyotlarning xalqaro almashinuvini amalga oshiradi, intellektual mulk obyektlarining huquqiy muhofazasi va himoyasi sohasida chet el tajribasini o'rganish va ulardan foydalanilishini tashkil qiladi;

belgilangan tartibda intellektual mulk sohasida xalqaro hamkorlikni amalga oshiradi va ushbu hamkorlik doirasida intellektual mulk obyektlarining huquqiy muhofazasi va himoyasi masalalari bo'yicha xalqaro va mintaqaviy tashkilotlarning ishida ishtirok etadi;

O'zbekiston Respublikasining tegishli xalqaro shartnomalaridan kelib chiqadigan majburiyatlarning bajarilishini o'z vakolati doirasida ta'minlaydi;

5) intellektual mulk sohasidagi ilmiy-tadqiqotlar va boshqa ishlarni amalga oshirishda ishtirok etish, shuningdek, jamiyatda intellektual mulkka nisbatan huquqiy madaniyatni oshirish va hurmat hissini shakllantirish sohasida:

intellektual mulk obyektlarining huquqiy muhofazasi va himoyasi sohasida manfaatdor shaxslarga uslubiy yordam ko'rsatadi;

intellektual mulk obyektlarining huquqiy muhofazasi va himoyasi masalalari bo'yicha idoralararo axborot almashinuvini amalga oshiradi;

intellektual mulk sohasidagi faoliyatni rivojlantirish va takomillashtirish muammolari bo'yicha ilmiy-tadqiqot ishlarini tashkil qiladi va ularda ishtirok etadi;

mamlakatning ijtimoiy-iqtisodiy va madaniy rivojlanishi uchun intellektual mulk obyektlariga huquqlarni huquqiy muhofaza va himoya qilishning maqsadi va ahamiyatini keng tushuntirish bo'yicha tadbirlar o'tkazadi;

intellektual mulk masalalari bo'yicha xalqaro va milliy ilmiy anjumanlar, simpoziumlar, konferensiyalar, seminarlar va boshqa tadbirlarni tashkil qiladi hamda ularda ishtirok etadi;

intellektual mulk obyektlarini himoya qilish va ulardan qonuniy foydalanish masalalarida aholi keng qatlamlarining huquqiy madaniyati hamda savodxonligini oshirish tadbirlarini amalga oshiradi;

intellektual mulk obyektlarining huquqiy muhofazasi va himoyasini ta'minlash sohasida o'z vakolati doirasida tegishli tadbirlarni amalga oshiradi va xorijiy tashkilotlar bilan hamkorlik qiladi.

Topshiriqlar:

1. O'zbekiston Respublikasi Adliya Vazirligi huzuridagi Intellectual mulk agentligining funksiyalarini yozish. Word dasturida.